

475/21-418

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA**

Služba za boračko-invalidsku i socijalnu zaštitu, stambene poslove i društvene djelatnosti

Broj: 01-45-8144/21
Zenica, 12.05.2021. godine

STRUČNA SLUŽBA GRADSKOG VIJEĆA

PREDMET: Stav Službe,
Izvještaj o radu JP „RTV Zenica “ za 2020. godinu,
- dostavlja se

Shodno nadležnostima sadržanim u Statutu Grada Zenica, Odluci o osnivanju Javnog preduzeća i ovlaštenjima po Zakonu o javnim preduzećima, Služba je razmotrila Izvještaj o radu JP "RTV ZENICA" d.o.o. Zenica u 2020. godini sa finansijskim izvještajem za 2020. godinu i Izvještajem o radu Nadzornog odbora i direktora u 2020. godini, kao i revizorski izvještaj ovlaštenog društva za reviziju, te nakon analize i ocjene navedenih dokumenata konstatuje:

-Izvještaj o radu JP „RTV Zenica“d.o.o. Zenica u 2020. godini sačinjen je prema predloženoj metodologiji i daje detaljnu i preciznu sliku o radu i poslovanju ovog Javnog preduzeća.

- Osnovna djelatnost JP RTV Zenica je proizvodnja, prenos i emitovanje radio i televizijskog programa namijenjenog javnosti. Kao javno preduzeće ono je i osnovano radi ostvarivanja prava građana Grada Zenice na potpuno i objektivno informisanje kao i zadovoljavanje kulturnih i obrazovnih potreba, i u tom smislu su ostvarili javnu funkciju zbog koje su i osnovani.

- Grad Zenica u kontinuitetu ulaže određena sredstva za poboljšanje emisionog sistema,nabavku opreme i stalnih sredstava.

- Preduzeće je organizovano kao društvo sa ograničenom odgovornošću, sa 67,5 % državnog kapitala (Grad Zenica), 15,8 % JP RTV Zenica, 16,7 % ostali osnivači. Osnivač RTV Zenica je Grad Zenica i mali udjeličari.

- U 2020.godini broj zaposlenih u Preduzeću je varirao, pa je prosjek bio 37 zaposlenika i 4 pripravnika, te direktor na mandatni period od četiri godine kroz menadžerski ugovor.

- Saradnja Službe sa menadžmentom ustanove je zadovoljavajuća u smislu pristupačnosti, međusobne komunikacije, zajedničkih projekata te realizacije osnivačkih obaveza, a isto važi i za saradnju sa Nadzornim odborom Preduzeća.

Vezano za djelatnost, treba napomenuti sljedeće:

U 2020. godini osnovna programska orijentacija bila je usmjerena na informisanje gledalaca i slušalaca o lokalnim temama i događajima od značaja za lokalnu zajednicu, što je i programski uslov iz desetogodišnjih dozvola koje je 2012. godine izdala Regulatorna agencija za komunikacije.

- RTV Zenica ima tri medija –Radio, Televiziju i web stranicu [www „zenica.info“](http://www.zenica.info). Radio Zenica je regionalna javna stanica koja program emituje 24 sata. Radio i TV Zenica imaju status javnih stanica, što je regulisano i važećim dozvolama. Regulatorna agencija za komunikacije dala je 2012. godine desetogodišnje dozvole za rad Radiju i Televiziji Zenica.

- Grad Zenica kao osnivač finansirao je realizaciju dijela proizvodnje i emitovanja programa RTV Zenica sa 360.000,00 KM.

-Grad Zenica je za razvoj emisionog sistema u 2020. godini izdvojio 50.000 KM.

-Za popravku unutrašnjih i vanjskih oštećenja prostorija izdvojeno je 10.000 KM.

U istoj godini iz budžeta Grada podržane su sljedeće manifestacije:

Ljeto u gradu: 70.000 KM

Zenica Adventure i Nova godina: 10.000 KM

- JP RTV Zenica je poslovnu 2020. godinu završilo sa negativnim poslovnim rezultatom i iskazanim gubitkom u poslovanju koji iznosi 44.662,00 KM uzrokovanim dobrim dijelom pandemijom COVID-19, uz ukupne prihode od 1.151.357 KM i rashode od 1.196.019 KM. Kada se ovom gubitku doda i akumulirani nepokriveni gubitak iz prethodnih godina u iznosu od 10.808,00 KM, trenutni akumulirani gubitak iznosi 55.470,00 KM.

- Kao i ranijih godini Preduzeće svoju djelatnost obavlja sa više lokacija, odnosno odvojeno radio i televizijski program, te smo stava da je poboljšanje prostornih uslova rada, jedan od uslova efikasije i racionalnije organizacija rada, pa smatramo da te aktivnosti treba nastaviti.

I ovo Preduzeće osjetilo je negativno djelovanje pandemije u finansijskom i programskom smislu, što je djelimično dovelo do stagnacije i zaustavljanja planskih aktivnosti.

Prema Zaključku Gradskog vijeća br. 01-45-2420/21, RTV Zenica je bila u obavezi da Vijeću dostavi Detaljnu programsku šemu što su oni i učinili.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Preduzeća, Služba za boračko - invalidsku i socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JP RTV Zenica za 2020. godinu na razmatranje.


PRILOG:

1. Izvještaj o radu i poslovanju JP "Radio-telvizija Zenica" d.o.o Zenica za 2020.godinu
2. Finansijski izvještaj za 2020. godinu sa izvještajem ovlaštenog revizora
3. Odluka Nadzornog odbora o usvajanju izvještaja o radu direktora
4. Odluka Nadzornog odbora o usvajanju izvještaja o radu i poslovanju Društva u 2020. godini
5. Plan aktivnosti sa detaljnom programskom šemom u skladu sa zaduženjem GV Zenica po zaključku br.01-45-2420/21 od 28.01.2021.godine

DOSTAVLJENO:

1 x Naslov

1 x a/a



Pomoćnica Gradonačelnika

Sumea Mujkanović